

Rekabentuk Campuran (Mix Design)

Objektif

Untuk menentukan campuran bitumen dan agregat yang dapat menghasilkan bahan penurapan jalan yang berdaya tahan.



Ciri-ciri

Campuran yang direkabentuk seharusnya mempunyai ciri-ciri berikut;

1. Bitumen mencukupi dan penggunaan jenis agregat yang baik untuk memastikan daya tahan iaitu keupayaan *asphalt* untuk mengatasi perubahan disebabkan oksidasi bitumen dan integrasi agregat.
2. Kekuatan (Stability) *asphalt* mencukupi bagi menampung beban trafik dan juga ketahanan atas kelesuan (fatigue) disebabkan beban trafik (wheel loads) yang berulang atau berterusan.
3. Ruang atau lompang udara (*air voids*) mencukupi untuk menampung sedikit penambahan pemanasan oleh beban trafik dan sedikit pengembangan bitumen disebabkan oleh peningkatan suhu tanpa menyebabkan *bleeding* atau kehilangan *stability*.
4. Lompang udara tidak melebihi tahap yang dibenarkan untuk mengekang kemasukan udara dan air ke dalam *asphalt* (impermeability).
5. Tahap kebolehkerjaan (workability) yang mencukupi untuk membolehkan *asphalt* dihamparkan dan dipadatkan dengan efisien tanpa berlaku pengasingan (segregation) dan kehilangan *stability*.
6. Kombinasi agregat yang betul untuk menghasilkan tekstur permukaan yang baik dan rintangan gelinciran yang memuaskan (lapisan haus sahaja).
7. Bersifat fleksibel iaitu keupayaan untuk berubah mengikut pemendapan dan pergerakan subgred tanpa mengalami keretakan.

Faktor-faktor yang menyumbang kepada kelemahan kualiti

Turapan jalan yang tidak berkualiti adalah disebabkan oleh satu atau kombinasi faktor-faktor berikut:

1. Kelemahan atau ketidaksesuaian rekabentuk campuran.
2. Penghasilan *asphalt* berbeza dari yang direkabentuk di makmal.
3. Ketidak sempurnaan atau kerosakan pada loji (*plant*).
4. Kerja-kerja penurapan yang tidak sempurna.

Nota: JKR/SPJ merujuk kepada *Standard Specification For Road Works JKR/SPJ/2008-S4 Flexible Pavement*.

Rekabentuk Campuran (Mix Design)

Keperluan dalam *mix design* - Klausus 4.3.3.3 JKR/SPJ

A. Job mix formula (JMF) - Klausus 4.3.3.3 (a) JKR/SPJ

JMF adalah hasil akhir bagi rekabentuk campuran yang berjaya memenuhi rekabentuk gredan agregat dan kandungan bitumen dengan nilai toleransi yang ditetapkan dan juga memenuhi semua kehendak parameter ujian dan analisa.

Proses rekabentuk campuran di dalam makmal ini perlu dijalankan beberapa kali untuk mencapai tahap kualiti optimum berdasarkan kepada panduan berikut:

- A.1 Gredan bagi campuran agregat + *filler* – **Jadual 4.3.3 JKR/SPJ**
- A.2 Kandungan bitumen – **Jadual 4.3.4 JKR/SPJ**
- A.3 Kaedah rekabentuk Marshall
- A.4 Parameter ujian bagi sampel Marshall – **Jadual 4.3.5 JKR/SPJ**

B. Hamparan percubaan (Plant trials) - Klausus 4.3.3.3 (b) JKR/SPJ

C. Pematuhan job mix formula - Klausus 4.3.3.3 (c) JKR/SPJ

A.1 Gredan campuran agregat + *filler* – Jadual 4.3.3 JKR/SPJ


Agregat untuk asphalt seharusnya mengandungi campuran agregat kasar dan halus serta mineral *filler/anti-stripping agent*.

Gredan bagi campuran agregat kasar dan halus, bersama-sama dengan mineral *filler/anti-stripping agent* seharusnya mematuhi had gredan seperti yang telah ditetapkan dalam **Jadual 4.3.3 JKR/SPJ** seperti di bawah.

Jadual 4.3.3: Had gredan bagi asphalt.

Mix Type	Wearing Course	Wearing Course	Binder Course
Mix Designation	AC 10	AC 14	ACB 28
BS Sieve Size (mm)			
28.0			100
20.0		100	72 - 90
14.0	100	90 - 100	58 - 76
10.0	90 - 100	76 - 86	48 - 64
5.0	58 - 72	50 - 62	30 - 46
3.35	48 - 64	40 - 54	24 - 40
1.18	22 - 40	18 - 34	14 - 28
0.425	12 - 26	12 - 24	8 - 20
0.150	6 - 14	6 - 14	4 - 10
0.075	4 - 8	4 - 8	3 - 7

Rekabentuk Campuran (Mix Design)



Gambarajah 1: Kombinasi gredan agregat (ACW 14).

Nota: ACW 14 adalah merujuk kepada *wearing course* dalam JKR/SPJ/1988.

Kombinasi *hot bins*

Bagi setiap jenis *asphalt* yang digunakan dalam kerja pembinaan, kontraktor seharusnya menghasilkan gredan *job mix formula* yang terdiri dari satu nilai peratusan telus ayak bagi setiap saiz ayakan seperti yang ditetapkan dalam **Jadual 4.3.3 JKR/SPJ** dan seharusnya menghasilkan satu garisan lengkungan yang licin di dalam kurungan gredan.

Walau bagaimanapun, adalah disarankan gredan disemak terlebih dahulu dengan *stockpile* atau kombinasi *hot bins* untuk menentukan sama ada gredan sasaran boleh dihasilkan oleh kuari.



Komponen *hot bins*.



Stockpile agregat.

Rujuk **Jadual 1** untuk contoh kombinasi *hot bins* bagi *asphalt*. Peratusan *hot bins* ini dilakukan secara '*trial and error*' sehingga memenuhi kehendak **Jadual 4.3.3**.

Rekabentuk Campuran (Mix Design)

Jadual 1: Contoh kombinasi hot bins bagi asphalt.

SUMBER	B.S. SIEVE (BERAT TERTAHAN)										
	20	14	10	5	2.36	1.18	0.425	0.15	0.075	Pan	Total
AGG.BIN A	54	623	966	37	0	0	0	0	4	0	1684
AGG.BIN B	0	18	280	3134	132	0	0	0	4	0	3568
AGG.BIN C	0	0	0	944	1523	32	0	20	12	2	2533
AGG.BIN D	0	0	0	0	623	425	623	563	107	266	2607
FILLER	0	0	0	0	0	0	0	48	80	152	280

SUMBER	B.S. SIEVE (% TERTAHAN)										
	20	14	10	5	2.36	1.18	0.425	0.15	0.075	Pan	Total
AGG.BIN A	3.207	36.995	57.363	2.197	0.000	0.000	0.000	0.000	0.238	0.000	100
AGG.BIN B	0.000	0.504	7.848	87.836	3.700	0.000	0.000	0.000	0.112	0.000	100
AGG.BIN C	0.000	0.000	0.000	37.268	60.126	1.263	0.000	0.790	0.474	0.079	100
AGG.BIN D	0.000	0.000	0.000	0.000	23.897	16.302	23.897	21.596	4.104	10.203	100
FILLER	0.000	0.000	0.000	0.000	0.000	0.000	0.000	17.143	28.571	54.286	100


SUMBER	B.S. SIEVE (% TELUS)									
	20	14	10	5	2.36	1.18	0.425	0.15	0.075	
AGG.BIN A	96.793	59.798	2.435	0.238	0.238	0.238	0.238	0.238	0.238	0.000
AGG.BIN B	100.000	99.496	91.648	3.812	0.112	0.112	0.112	0.112	0.112	0.000
AGG.BIN C	100.000	100.000	100.000	62.732	2.606	1.342	1.342	0.553	0.079	
AGG.BIN D	100.000	100.000	100.000	100.000	76.103	59.801	35.903	14.308	10.203	
FILLER	100.000	100.000	100.000	100.000	100.000	100.000	100.000	82.857	54.286	

SUMBER	% guna	B.S. SIEVE (% TELUS)									
		20	14	10	5	2.36	1.18	0.425	0.15	0.075	
AGG.BIN A	15	14.52	8.97	0.37	0.04	0.04	0.04	0.04	0.04	0.00	
AGG.BIN B	16	16.00	15.92	14.66	0.61	0.02	0.02	0.02	0.02	0.00	
AGG.BIN C	13	13.00	13.00	13.00	8.16	0.34	0.17	0.17	0.17	0.01	
AGG.BIN D	54	54.00	54.00	54.00	54.00	41.10	32.29	19.39	7.73	5.51	
FILLER	2	2.00	2.00	2.00	2.00	2.00	2.00	2.00	1.66	1.09	
Jumlah	100										
Max ACW 14		100	95	90	72	54	45	30	16	10	
Hot Bin Combination Grading		99.52	93.89	84.03	64.80	43.49	34.52	21.62	9.51	6.61	
Min ACW 14		100	80	68	52	38	30	17	7	4	



Rekabentuk Campuran (Mix Design)

Contoh garisan lengkung gredan bagi ACW 14.



Gambarajah 2: Cadangan gredan vs kurungan ACW 14.

Nota: ACW 14 adalah merujuk kepada wearing course dalam JKR/SPJ/1988.

A.2 Kandungan bitumen - Jadual 4.3.4 JKR/SPJ

Sebagai panduan ke atas julat kandungan bitumen, rujuk pada **Jadual 4.3.4 JKR/SPJ**.

Jadual 4.3.4: Rekabentuk kandungan bitumen.

AC 10 - Wearing Course	5.0 - 7.0 %
AC 14 – Wearing Course	4.0 – 6.0 %
AC 28 – Binder Course	3.5 – 5.5 %

A.3 Kaedah Marshall bagi mix design – Klausma 4.3.3 JKR/SPJ

- A.3.1** Sediakan spesimen untuk ujian *stability* dan *flow* seperti dalam ASTM D 1559 menggunakan 75 hentakan/muka.
- A.3.2** Tentukan *bulk specific gravity* untuk spesimen seperti dalam ASTM D 2726.
- A.3.3** Tentukan nilai *stability* dan *flow* seperti dalam ASTM D 1559.
- A.3.4** Jalankan analisis ke atas lompong udara (voids); VMA, VFB, VIM.

Rekabentuk Campuran (Mix Design)


A.3.1 Panduan Penyediaan sampel

- Bilangan spesimen** - Sediakan 4 spesimen untuk setiap kombinasi agregat dan kandungan bitumen, tingkatkan sebanyak 0.5% kandungan bitumen bagi setiap kombinasi; sebagai contoh 4.0%, 4.5%, 5.0%, 5.5% dan 6.0% bagi AC 14.



- Penyediaan agregat** - Keringkan agregat sehingga mencapai berat malar pada suhu 221 - 230 °F (105 - 110 °C) dan asingkan agregat tersebut kepada saiz yang dikehendaki dengan ayakan.

- Penentuan suhu bantuhan dan pematatan** - Suhu pematatan ialah suhu di mana bitumen dipanaskan untuk menghasilkan nilai kelikatan 2 - 20 Pa.s. Manakala suhu bantuhan ialah suhu di mana bitumen mesti dipanaskan untuk menghasilkan kelikatan 0.2 - 0.5 Pa.s seperti tertera pada **Gambarajah 3**.



Gambarajah 3: Bitumen test data chart (BTDC).

Rekabentuk Campuran (Mix Design)

- d. **Berat agregat** - Timbang setiap saiz agregat yang diperlukan untuk dijadikan satu kelompok yang dapat menghasilkan pemandatan spesimen dengan tinggi 2.5 ± 0.05 in. (63.5 ± 1.27 mm). Kebiasaan jumlah berat agregat yang diperlukan ialah 1200 g.



Proses menimbang setiap saiz agregat.



Kelompok agregat yang telah siap ditimbang.

- e. **Bancuhan** - Agregat dipanaskan pada suhu ± 160 °C di dalam kuali. Kemudian, bentukkan kawah pada agregat yang kering. Timbang bitumen yang telah dipanaskan, kemudian campurkan dengan agregat.



Memanaskan agregat.



Mencampurkan bitumen ke dalam agregat.


- f. **Suhu bancuhan** - Suhu bagi campuran agregat dan bitumen mestilah berada dalam lingkungan had suhu bancuhan. Pastikan suhu bancuhan tidak terlalu tinggi kerana bitumen akan terbakar dan tidak melekat pada agregat (sifat-sifat bitumen sebagai bahan pengikat sudah tiada).

- g. **Kaedah bancuhan** - Gaulkan agregat dan bitumen dengan cepat sehingga kesemuanya sebat. Disaran menggunakan pembancuh mekanikal, namun kuali dan bancuhan dengan tangan juga boleh digunakan.

Pastikan semua agregat telah disaluti bitumen.



Menggaul bitumen dengan agregat.



Mengawal suhu bancuhan < 163 °C.

Rekabentuk Campuran (Mix Design)

- h. **Acuan** - Letakkan bantuhan tersebut ke dalam acuan bergaris pusat 4 in. (101.6 mm). Saiz maksimum agregat yang boleh diletakkan ke dalam acuan bergaris pusat 4 in. adalah 25 mm.

Pastikan tiada campuran yang tertumpah atau melekat pada kuali.



Acuan dilengkapi alat tahan bantuan.



Menuang bantuhan ke dalam acuan.

- i. **Rodok bantuhan** dalam acuan tadi dengan menggunakan spatula yang telah dipanaskan sebanyak 15 kali disekeliling perimeter acuan tersebut dan 10 kali di bahagian tengah acuan.



Merodok bantuhan.

Kebiasaannya, bantuhan dibiarkan seketika sehingga suhu turun kepada suhu pemandatan.

- j. **Suhu pemandatan** - Suhu bantuhan mestilah tidak kurang dari suhu pemandatan sebaik sebelum dipadat. Jika tidak, bantuhan itu patut dibuang kerana ianya tidak boleh digunakan lagi. Bantuhan sama sekali tidak boleh dipanaskan semula.



Mengawal suhu bantuhan supaya sesuai untuk dipadatkan.



Suhu pemandatan $\pm 135^{\circ}\text{C}$.

Rekabentuk Campuran (Mix Design)

k. Mengetuk spesimen (bancuhan dalam acuan)

- *Compaction hammer* perlu ada permukaan yang rata dan bulat, berat 10 lb (4536 g) dengan jarak jatuhannya 18 in. (457.2 mm). Hentakan dikenakan 75 kali. Terbalikkan spesimen dan kenakan bilangan hentakan yang sama.



Mengetuk spesimen.

l. Penyejukan spesimen

Biarkan spesimen sejuk sendiri sehingga tiada kecacatan terbentuk apabila ditanggalkan daripada acuan. Proses penyejukan spesimen boleh dipercepatkan dengan menggunakan kipas angin, tetapi tidak dibenarkan merendam spesimen di dalam air, kecuali diletakkan di dalam beg plastik.



Menyejukkan spesimen.

m. Menanggalkan spesimen

- Spesimen ditanggalkan dari acuan menggunakan *extrusion jack*. Kemudian spesimen diletakkan di atas permukaan yang rata hingga sedia untuk dijalankan ujian. Kebiasaannya, spesimen dibiarkan sejuk semalam.



Menanggalkan spesimen daripada acuan.

n. Ukur ketebalan

- Ukur ketebalan spesimen dengan menggunakan alat pengukur seperti *vernier calliper* ataupun pembaris. (Purata empat bacaan diambil untuk setiap spesimen).

Nilai ketebalan diperlukan untuk mengira nilai *corrected stability* dan *stiffness*.



Mengukur ketebalan menggunakan vernier calliper.

Rekabentuk Campuran (Mix Design)

A.3.2 Penentuan Bulk Specific Gravity

a. Berat spesimen kering di udara

- Timbang spesimen dalam keadaan kering dan sejuk (**berat A**).



Menimbang berat spesimen di udara.

b. Berat spesimen dalam air

- Rendamkan spesimen dalam bekas mengandungi air pada suhu 25 °C (77 °F) selama 3 hingga 5 minit, kemudian timbang spesimen dalam keadaan terendam dalam air (**berat C**).



Menimbang berat spesimen di dalam air.

c. Berat spesimen di udara dalam keadaan saturated surface dry

- Sebaik sahaja dikeluarkan dari dalam air, keringkan permukaan spesimen dengan menekap permukaan tersebut menggunakan tuala lembap, kemudian timbang di udara (**berat B**).

$$\text{Bulk specific gravity} = \frac{A}{B - C}$$



Permukaan spesimen tepu yang basah.



Mengeringkan permukaan spesimen tepu dengan tuala lembap.

Pastikan guna tuala lembap supaya air di dalam spesimen tidak diserap oleh tuala yang kering.

Rekabentuk Campuran (Mix Design)

A.3.3 Ujian *stability* dan *flow* seperti dalam AASHTO T 245 atau ASTM D 1559;

- a. Rendam spesimen di dalam bekas air pada suhu $60 \pm 1^{\circ}\text{C}$ selama 30 hingga 40 minit atau letakkan di dalam oven selama 2 jam. Bekas air (water bath) mestilah sekurang-kurangnya 6 in. (152.4 mm) dalam dan mempunyai kawalan termostat.



Bekas air tersebut mestilah mempunyai lantai yang bertebuk untuk membolehkan spesimen tergantung di kedalaman 2 in. (50.8 mm) dari bahagian bawah bekas air tersebut.

- b. Bersihkan *guide rod* dan permukaan sebelah dalam *test heads*.
c. Suhu *testing head* mestilah di antara $70 - 100^{\circ}\text{F}$ ($21.1 - 37.8^{\circ}\text{C}$).
d. Keluarkan spesimen dari bekas air dan letakkan di bahagian segmen bawah *breaking head*.

e. Letakkan segmen atas *breaking head* di atas spesimen.




- f. Kenakan beban pada spesimen dengan pergerakan sekata *load jack* atau *testing machine head* pada kadar 2 in/min (51 mm/min) sehingga mencapai beban maksimum. Rekodkan nilai beban maksimum tersebut.

- g. Rekodkan nilai aliran (*flow*). Ini menunjukkan perubahan bentuk spesimen dari tiada beban kepada beban maksimum (Marshall Flow, dalam mm).
h. Keseluruhan prosedur, bermula dari spesimen dikeluarkan dari bekas air sehingga beban maksimum diperolehi mestilah dilengkapi dalam tempoh masa tidak lebih dari 30 saat.

Nota: Penggunaan alat jenis digital boleh memudahkan ujian *stability* dan *flow* dan mengurangkan kesalahan mengambil bacaan.



Contoh alat jenis digital.



Contoh keputusan *stability* (kN) dan *flow* (mm) menggunakan alat digital.



Aktiviti dan ujian di makmal.

Rekabentuk Campuran (Mix Design)

A.3.4 Analisis lompong udara (voids) - VMA,VFB,VIM

Kandungan *voids* merupakan salah satu faktor penting yang mempengaruhi kekuatan dan ketahanan sesuatu turapan jalan. Oleh itu, kandungan *voids* dalam campuran ini perlu dikawal.


Voids dianalisa dalam bentuk isipadu (volume) dan dikira berdasarkan nilai *bulk specific gravity* yang diperolehi daripada item A.3.2, dengan mengadaptasi formula;

$$\text{Density, } \rho = \frac{\text{Mass}}{\text{Volume}}$$

1. *Voids* dalam agregat (Voids in mineral aggregate, VMA)

Ia merupakan sebahagian ruang dalam *asphalt* yang dipadatkan yang tidak diisi oleh agregat.

Voids di dalam agregat merangkumi ruang udara dan isipadu bitumen yang tidak diserap ke dalam agregat.




2. *Voids* dalam agregat yang diisi oleh bitumen (Air voids in the compacted aggregate filled with bitumen, VFB)

Ruang udara yang wujud antara partikel agregat dalam *asphalt* yang dipadatkan yang diisi oleh bitumen.

3. *Voids* dalam campuran agregat - bitumen (Air voids in the compacted mix, VIM)

Ruang udara di antara partikel agregat yang disalutti bitumen di dalam *asphalt* yang telah dipadatkan.



Rekabentuk Campuran (Mix Design)

A.4 Parameter ujian bagi spesimen Marshall - Jadual 4.3.5 JKR/SPJ

Bagi setiap campuran percubaan (trial mix) yang mengikut *job mix formula* yang dicadangkan, kesemua parameter ujian dan analisis mestilah memenuhi keperluan seperti dalam **Jadual 4.3.5 JKR/SPJ** seperti di bawah.

Jadual 4.3.5 Parameter ujian dan analisis.

Parameter	Wearing Course	Binder Course
Stability, S	> 8000 N	> 8000 N
Flow, F	2.0 – 4.0 mm	2.0 – 4.0 mm
Stiffness, S/F	> 2000 N/mm	> 2000 N/mm
Air voids in mix (VIM)	3.0% - 5.0%	3.0% - 7.0%
Voids in aggregate filled with bitumen (VFB)	70% - 80%	65% - 75%

Penentuan kandungan bitumen optimum

Nilai purata (sekurang-kuranya tiga spesimen) bagi ketumpatan graviti tentu (bulk specific gravity), kestabilan (stability), aliran (flow), VFB dan VIM yang diperolehi seperti dalam **Jadual 2** haruslah dibuat graf secara berasingan melawan peratus kendungan bitumen dan garis lengkungan dilukis melalui nilai-nilai di atas graf tersebut (Rujuk **Gambarajah 4**).

Daripada graf-graf yang diplot, kandungan bitumen optimum hendaklah ditentukan dengan mengambil purata lima (5) nilai kandungan bitumen optimum yang diperolehi berpandukan nilai-nilai di bawah:-

1. Graf Bulk SG vs Bitumen content - Nilai puncak lengkungan graf
2. Graf Stability vs Bitumen content - Nilai puncak lengkungan graf
3. Graf Flow vs Bitumen content - Aliran (*flow*) = 3 mm
4. Graf VFB vs Bitumen content - Nilai 75% untuk *wearing course*
- Nilai 70% untuk *binder course*
5. Graf VIM vs Bitumen content - Nilai 4% untuk *wearing course*
- Nilai 5% untuk *binder course*

- Nota 1 Jika berlaku di mana puncak kestabilan (stability) menunjukkan lebih dari satu puncak, kandungan bitumen haruslah dipilih dari nilai yang dapat memenuhi keperluan lompong udara (voids) dengan lebih baik. Terdapat kemungkinan di mana tiada puncak kestabilan diperolehi, oleh itu penyediaan dan ujian terhadap spesimen tambahan harus dilakukan setiap selang 0.25% kandungan bitumen pada kedua-dua sisi kandungan bitumen optimum yang dijangkakan.

- Nota 2 Sekiranya agregat mempunyai ciri penyerapan yang tinggi, akan terdapat kesukaran untuk memperolehi puncak ketumpatan graviti tentu. Bagi kes seperti ini, kandungan bitumen yang menunjukkan penurunan mendadak ketumpatan graviti tentu hendaklah digunakan.

Rekabentuk Campuran (Mix Design)

Jadual 2: Contoh pengiraan dalam laporan rekabentuk campuran Marshall.


Sample ID	Bitumen Content (%)	Average Thickness mm	Weight			Specific Gravity (SG)			Volume, % total			Voids, %			Stability, kN		
			In Air g	In Water g	SSD g	Vol cm ³	Bulk g	Theoretical Bit.	Agg. %	Voids %	VMA %	VFB %	VM %	Measured p	Corrected q	Corrected r	Flow mm
a	b	c	d	e	f	g	h	i	j	k	l	m	n	o	p x q	c	t
	by weight of mix (%)						f - e	d/g	b x h Gac	(100 - d)/l Gag	100-j-k	100 - k	ym x 100 [1 - (h/l)] * 100		63.5 c		
A1	62.9	1149.5	648.9	1152.2	503.30	2.284									10.3	1.01	10.4
A2	4.0	63.9	1151.4	645.6	1154.7	509.10	2.262								10.8	0.99	10.7
A3	62.9	1152.0	649.2	1157.4	508.20	2.267									10.1	1.01	10.2
A4	64.2	1154.2	642.2	1158.0	515.80	2.238									10.5	0.99	10.4
A5	4.5	60.6	1155.2	662.6	1158.2	489.30	2.361								11.2	1.05	11.7
A6	62.8	1161.8	633.2	1162.0	502.90	2.310									11.5	1.01	11.6
A7	62.7	1161.8	658.5	1162.5	504.00	2.305									12.1	1.01	12.3
A8	5.0	62.3	1161.5	660.8	1162.0	501.20	2.317								11.9	1.02	12.1
A9	61.9	1160.2	663.3	1160.8	497.50	2.332									11.5	1.03	11.8
A10	62.4	1171.6	671.2	1171.8	500.60	2.340									11.2	1.02	11.4
A11	5.5	62.1	1168.5	669.7	1168.7	499.00	2.342								11.1	1.02	11.4
A12	60.8	1155.5	660.9	1155.7	494.80	2.335									9.6	1.04	10.0
A13	62.4	1168.2	669.3	1168.3	499.00	2.341									9.8	1.02	10.0
A14	6.0	61.4	1157.0	661.6	1158.5	495.30	2.336								9.8	1.03	10.1
A15	61.1	1159.7	654.5	1159.9	505.40	2.295									9.3	1.04	9.7
															9.9	3.89	2.6

$$\frac{G_{ag} \text{ (specific gravity of combined aggregate)}}{G_{ac} \text{ (specific gravity of bitumen)}} = \frac{2.6264}{1.02}$$

$$\text{Max. Theoretical SG, } i = \frac{b}{G_{ac}} + \frac{100 - b}{G_{ag}}$$

Rekabentuk Campuran (Mix Design)

Bitumen Content (%)	Bulk SG	Stability (kN)	Flow (mm)	VIM (%)	VFB (%)
4.0	2.271	10.4	2.51	8.093	52.39
4.5	2.284	11.2	3.05	6.870	59.45
5.0	2.318	12.1	3.43	4.783	70.38
5.5	2.339	10.9	3.46	3.224	79.64
6.0	2.321	9.9	3.89	3.260	80.72



Gambarajah 4

Nilai *stability*, *flow*, *VIM* dan *VFB* pada kandungan bitumen optimum dari graf yang disediakan hendaklah memenuhi ketetapan **Jadual 4.3.5. JKR/SPJ**.

Jika **kesemua** nilai tersebut memenuhi ketetapan **Jadual 4.3.5**, *asphalt* dengan kandungan bitumen optimum ini boleh digunakan untuk hamparan percubaan (plant trials).

Rekabentuk Campuran (Mix Design)

B. Hamparan Percubaan (Plant Trials) - Klausus 4.3.3.3 (b) JKR/SPJ

Selepas *job mix formula* (JMF) diperolehi daripada ujian di makmal, *plant trial* harus dilaksanakan bagi merealisasi kesesuaian JMF ini untuk kerja-kerja penurapan jalan.

Secara amnya, *plant trial* bertujuan untuk:-

- memastikan *asphalt* yang dihasilkan mematuhi rekabentuk,
- hamparan *compacted thickness* dan *compacted density* mematuhi rekabentuk untuk digunakan semasa kerja sebenar di tapak.



Proses penghasilan asphalt di kuari.



Proses hamparan percubaan di tapak.

Sekurang-kurangnya 20 tan *asphalt* hendaklah diturap di kawasan percubaan untuk menunjukkan kepada S.O. bahawa peralatan bantuan (mixing), hamparan (laying) dan pemanjangan (compaction) memenuhi spesifikasi manakala *asphalt* tersebut memenuhi kehendak JMF dan peratus pemanjangan yang ditetapkan.

Aktiviti yang perlu dijalankan semasa *plant trial*:

1. Rekodkan jenis dan berat penggelek (roller) yang digunakan. Periksa tekanan tayar *pneumatic tyre roller*.
2. Rekodkan jenis penurap (paver) yang digunakan.
3. Pilih tempat percubaan (trial area) yang sesuai.
4. Jalankan ujian dan analisa terhadap sampel *asphalt* dan spesimen Marshall bagi menentukan:-
 - kandungan bitumen dan gredan agregat.
 - *specific gravity (SG)* dan *maximum theoretical SG*.
 - analisis *voids* (VMA, VFB dan VIM).
 - kestabilan dan aliran Marshall.
5. Rekodkan suhu *asphalt* di atas lori, di kuari dan di tapak.
6. Rekodkan tebal hamparan.
7. Perhatikan tekstur permukaan turapan.
8. Rekodkan suhu pemanjangan.
9. Rekodkan corak pemanjangan (rolling pattern).
10. Perhatikan tekstur dan keadaan permukaan pemanjangan.
11. Ambil sampel *core*.
12. Ukar ketebalan terpadat dan ketumpatan ke atas sampel *core*.

Rekabentuk Campuran (Mix Design)

Selepas *plant trial* dijalankan, sekiranya terdapat sebarang ketidakpatuhan S.O. mungkin perlu membuat pindaan ke atas *job mix formula*, dan menjalankan semula *plant trial* sebelum campuran asphalt itu diluluskan.

Kawasan percubaan bagi *plant trial* sepatutnya tidak termasuk dalam kerja-kerja kontrak tetapi mestilah disediakan oleh kontraktor atas perbelanjaan sendiri.

Gambarajah di bawah menunjukkan sebahagian aktiviti sewaktu *plant trial* di tapak dan di makmal.



Rekabentuk Campuran (Mix Design)

C. Pematuhan Job Mix Formula (JMF) - Klaus 4.3.3.3 (c) JKR/SPJ


Rekabentuk gredan agregat dan kandungan bitumen dengan nilai toleransi yang ditetapkan dalam Jadual 4.3.6 JKR/SPJ

Kelulusan muktamad S.O. ke atas JMF seharusnya dipatuhi sepenuhnya oleh kontraktor dalam menghasilkan *asphalt* dengan gredan agregat dan kandungan bitumen yang tepat dalam lingkungan toleransi seperti ditetapkan dalam **Jadual 4.3.6 JKR/SPJ**.

Perubahan terhadap JMF hanya boleh dilakukan dengan persetujuan S.O. Pada bila-bila masa, apabila S.O. mendapati *asphalt* dan kaedah bancuhan dan pemanatan berlainan dari apa yang telah diluluskan sebelumnya, S.O. hendaklah memaklumkan kepada kontraktor dan mengarahkan kerja-kerja penurapan diberhentikan sehingga ujian lanjutan dijalankan.

Toleransi asphalt - Jadual 4.3.6 JKR/SPJ

Contoh gredan agregat bagi JMF yang telah diluluskan dengan toleransi seperti ditetapkan dalam **Jadual 4.3.6 JKR/SPJ** adalah seperti di bawah.



Nota: ACW 14 adalah merujuk kepada *wearing course* dalam **JKR/SPJ/1988**.

Jadual 4.3.6: Toleransi campuran asphalt.

Parameter	Permissible Variation % by Weight of Total Mix
Bitumen content	$\pm 0.2\%$
Fractions of combined aggregate passing 5.0 mm and larger sieves	$\pm 5.0\%$
Fractions of combined aggregate passing 3.35 mm and 1.18 mm sieves	$\pm 4.0\%$
Fractions of combined aggregate passing 425 μm and 150 μm sieves	$\pm 3.0\%$
Fractions of combined aggregate passing 75 μm sieve	$\pm 2.0\%$

Asphalt dengan gredan agregat dan/atau kandungan bitumen yang tersasar dari toleransi, walaupun masih dalam had yang ditetapkan dalam **Jadual 4.3.3** dan **Jadual 4.3.4** sepatutnya dianggap tidak mematuhi JMF dalam kerja penurapan.

Rekabentuk Campuran - Soalan Lazim

Rekabentuk campuran (mix design)

Apakah tujuan menjalankan rekabentuk campuran bagi asphalt?

Rekabentuk campuran adalah bertujuan untuk menentukan gredan agregat dan kandungan bitumen yang diperlukan bagi menghasilkan *asphalt* yang ekonomik, stabil dan berdaya tahan serta mematuhi ciri-ciri *asphalt* seperti ketetapan dalam **Jadual 4.3.5 JKR/SPJ**.

Dalam merekabentuk campuran *asphalt*, kandungan lompang udara dalam campuran perlu dikawal. Kandungan lompang udara yang terlalu sedikit menyebabkan kandungan bitumen yang bertindak sebagai bahan pelincir berkurangan dan menyukarkan proses pemadatan. Selain daripada itu, daya tahan *asphalt* turut berkurangan jika lapisan bitumen yang membaluti agregat menjadi terlalu nipis. Sementara itu, kandungan lompang udara yang tinggi boleh menyebabkan ikatan di antara agregat menjadi lemah dan mengurangkan kestabilan *asphalt*.

Mengapa rekabentuk campuran diperlukan bagi setiap kuari atau perlu dijalankan bagi setiap projek? Mengapa tidak boleh hanya satu rekabentuk campuran digunakan bagi kesemua kuari dan projek di seluruh negara?

Ini disebabkan oleh kepelbagaiannya sifat-sifat unik semulajadi agregat. Batuan asal (granit, batu kapur, basalt dll) yang membentuk agregat akan mempengaruhi rupa bentuk dan tekstur permukaan dan sebagainya.



Sebagai contoh, di bawah sebarang nilai daya mampatan, dua set agregat yang mempunyai nilai penggredan yang sama tetapi mempunyai rupa bentuk dan tekstur permukaan yang tidak serupa akan menghasilkan kandungan lompang udara yang berbeza. Oleh yang demikian, untuk setiap set gredan dan jenis agregat, terdapat satu nilai kandungan bitumen optimum bagi mendapatkan rekabentuk campuran yang memuaskan.

Sebarang perubahan nilai kandungan bitumen optimum boleh mengakibatkan kegagalan pra-matang di mana kandungan bitumen yang berlebihan boleh menyebabkan bahan permukaan jalan mudah berubah bentuk apabila beban trafik dikenakan. Manakala, jika kandungan bitumen berkurangan, kadar pengerasan lapisan nipis bitumen yang membaluti agregat akan meningkat.

Sekiranya loji yang membekalkan *asphalt* bagi sesuatu projek tidak mempunyai sumber agregat sendiri dan bergantung kepada sumber luar untuk memperolehi agregat, gredan agregat yang digunakan dalam sesuatu projek akan kerap berubah. Oleh itu, adalah penting untuk sentiasa menyemak semula rekabentuk campuran yang digunakan.

Rekabentuk Campuran - Soalan Lazim

Kandungan bitumen


Apakah kesan kandungan bitumen yang terlalu rendah?

Apabila kandungan bitumen terlalu rendah, ia akan menghasilkan satu lapisan bitumen yang sangat nipis pada partikel agregat yang boleh menyebabkan kekurangan daya jelekatan (cohesive forces) dan peningkatan kandungan lompang udara.

Oleh yang demikian campuran *asphalt* yang dihasilkan akan menjadi telap air dan udara yang boleh mempercepatkan lagi proses oksidasi atau pengerasan lapisan nipis bitumen.

Kajian yang telah dijalankan membuktikan bahawa ketebalan lapisan bitumen pada setiap agregat memainkan peranan penting dalam menentukan kadar pengerasan (hardening) bitumen dalam lapisan turapan jalan.

Selain itu, campuran *asphalt* yang terhasil akan menjadi terlalu keras (stiff) dan mempunyai kebolehkerjaan yang rendah iaitu kesukaran dan proses hamparan dan pemadatan.



Lapisan nipis bitumen (bitumen film) membalut agregat.



Permukaan jalan kering mungkin disebabkan kekurangan bitumen yang boleh menyebabkan keretakan pra-matang.

Apakah kesan kandungan bitumen yang terlalu tinggi?

Kandungan bitumen yang terlalu tinggi akan menyebabkan lompang udara dipenuhi dengan bitumen yang akan menjarakkan partikel agregat antara satu sama lain. Ini akan mengakibatkan ikatan mekanikal (mechanical interlock) dalam struktur agregat menjadi lemah.

Kandungan bitumen yang berlebihan ini juga akan mengurangkan daya geseran (friction) antara partikel agregat. Oleh yang demikian campuran *asphalt* menjadi kurang stabil dan mudah berubah bentuk apabila beban trafik dikenakan.



Permukaan jalan yang berubah bentuk.



Rekabentuk Campuran - Soalan Lazim

Lompang udara

Apakah kepentingan menghadkan kandungan lompang udara dalam asphalt?

Sesetengah pihak beranggapan tujuan gredan agregat dalam *asphalt* adalah untuk menghasilkan struktur *asphalt* yang padat dan mempunyai kandungan lompang udara yang paling rendah, seterusnya menghasilkan *asphalt* yang mempunyai ketumpatan yang maksimum. Walhal, tujuan sebenar mencampurkan pelbagai saiz agregat dalam menghasilkan *asphalt* adalah untuk mendapatkan jarak optimum di antara partikel agregat.

Kajian terdahulu menunjukkan kandungan lompang udara dalam mineral agregat (VMA) yang diperlukan adalah di antara 17 - 20% dan peratusan kandungan lompang udara terisi bitumen (VFB) adalah di antara 70 - 80% bagi lapisan haus serta 65% - 75% bagi lapisan pengikat seperti ketetapan dalam **Jadual 4.3.5 JKR/SPJ**. Hasil kajian menunjukkan jumlah kandungan lompang udara dalam *asphalt* (VIM) adalah di antara 3 - 5% bagi lapisan haus dan 3 - 7% bagi lapisan pengikat seperti ketetapan dalam **Jadual 4.3.5 JKR/SPJ**.

Jika VMA adalah lebih tinggi dari 20% lebih banyak bitumen diperlukan bagi mendapatkan campuran yang mengandungi lompang udara seperti ketetapan dalam **JKR/SPJ**. Keadaan ini akan menghasilkan campuran yang kurang stabil dan berupaya berubah bentuk di bawah beban trafik. Sebaliknya, jika kandungan bitumen tidak mencukupi, daya tahan *asphalt* akan terjejas.

Bagi VMA yang kurang dari 17%, kesan yang dialami adalah sebaliknya, di mana jika jumlah bitumen yang ditambah adalah sekadar memenuhi keperluan lompang udara di dalam *asphalt*, bagi mendapatkan kandungan lompang udara yang dikehendaki dalam baucuhan, maka kandungan bitumen yang digunakan adalah terlalu rendah dan menjelaskan daya tahan. Walau bagaimanapun, jika kandungan bitumen yang ditambah adalah normal, VMA akan dipenuhi dengan bitumen dan baucuhan akan mempunyai kandungan lompang udara yang sangat rendah serta menghasilkan baucuhan yang kurang stabil dan boleh berubah bentuk di bawah beban trafik.

Apakah yang terjadi jika kandungan lompang udara terlalu tinggi?

Asphalt yang telah siap dihampar dan dipadatkan akan terdedah kepada sinaran ultraungu dan oksigen di persekitaran. Kadar pengerasan (hardening) bitumen lebih ketara pada 3 mm daripada lapisan permukaan jalan dan berkurangan mengikut kedalaman.

Faktor utama yang menyebabkan pengerasan bitumen pada turapan jalan adalah kandungan lompang udara dalam bahan lapisan permukaan.

Pada kandungan lompang udara kurang daripada 5% kadar pengerasan bitumen sangat perlahan dan ia bersifat seperti tidak telap udara. Sebaliknya jika lompang udara melebihi 9% kadar pengerasan bitumen akan berlaku dengan lebih cepat.

Rekabentuk Campuran - Soalan Lazim

Apakah yang terjadi jika kandungan lompong udara terlalu rendah?


Kandungan lompong udara yang rendah biasanya terjadi apabila campuran tersebut mempunyai kandungan bitumen yang sangat tinggi. Apabila kandungan bitumen bertambah, ikatan di antara struktur agregat menjadi lemah, *asphalt* akan mengalami ketidakstabilan struktur selain menyebabkan bahan permukaan jalan itu mengalami kegagalan rincih (shears) apabila beban trafik dikenakan.

Job mix formula

Apakah keadaan yang membenarkan formula bantuan rekabentuk sedia ada digunakan semula?

Mengikut ketetapan dalam *National Asphalt Specification of Australia*, formula rekabentuk campuran sedia ada boleh digunakan sekiranya perkara-perkara berikut dipatuhi:

- Projek dilaksanakan dalam tempoh 2 tahun dari tarikh pengesahan formula rekabentuk campuran terdahulu.
- Jenis, kualiti dan sumber kesemua bahan-bahan bantuan adalah sama.
- Kadar bahan-bahan bantuan adalah tidak melebihi 20% dari formula bantuan kerja asal.
- Prestasi kebolehkhidmatan formula bantuan kerja terdahulu adalah memuaskan.



Pengisi mineral (*Mineral filler*)

Apakah kegunaan pengisi mineral dalam campuran asphalt?

Selain daripada mengisi lompong udara di antara partikel agregat, pengisi mineral juga dapat mengurangkan peratus lompong sebanyak 3% - 5%, seperti ketetapan dalam **JKR/SPJ**. Penggunaan pengisi mineral juga dapat membantu meningkatkan ikatan mengunci di antara bahan campuran.

Bahan pengisi - Mengapa kapur lebih baik berbanding simen?

Berbanding simen, kapur terhidrat merupakan agen anti-pengikis yang lebih baik, di samping dapat bertindak sebagai bahan anti-pengoksidaan.

Peranan kapur terhidrat sebagai agen *anti-stripping*:

Asid dari bitumen yang berpindah ke permukaan antara bitumen agregat akan menghasilkan garam bercampur sodium dan potassium yang seringkali melemahkan ikatan antara agregat. Garam yang terhasil merupakan garam mudah larut berbanding garam kalsium. Manakala penggunaan kapur menggalakkan pembentukan garam kalsium yang menyebabkan bahan menjadi lebih terikat.

Kapur terhidrat sebagai bahan anti-pengoksidaan;

Penggunaan kapur di dalam campuran *asphalt* dapat mengurangkan kadar pengoksidaan dan seterusnya menguatkan bitumen. Proses ini berlaku apabila produk polar pengoksidaan yang terdapat pada permukaan kapur diserap dan bertindak sebagai agen pro-pengoksidaan.

